

2. *S. cyaneus*, spicâ terminali densè glanduloso-pilosâ, foliis glabris erosè denticulatis, subtûs glaucis; inferioribus ovatis acutis indivisis petiolatis: posticibus rotundatis; superioribus oblongis sinuato-lobatis acuminatis sessilibus, floribus geminis, involucris pedunculo longioribus.

*Hab.* in Nepaliæ alpibus. *Wallich.* 2.

*Caulis* erectus, teres, bipedalis, simplex, supernè densissimè glanduloso-pilosus. *Folia* basi in petiolum attenuata.

*Pedunculi* hispidi et squamulosi. *Flosculi* cyanei.

*Obs.* Facie omnino *S. alpini*, qui tamen differt: foliis caulinis basi amplexicaulibus, inferioribus runcinato-lobatis lobo terminali cum superioribus hastato posticibus acuminatis divaricatis, involucris pedunculo duplo triplove brevioribus.

### LACTUCA.

#### LACTUCAE et SONCHI Sp. *Auct.*

*Involucrum* oblongum, oligophyllum, imbricatum, connivens.

*Receptaculum* nudum. *Achenia* laevia, apice attenuata.

*Pappus* stipitatus, capillaceus.

*Herbæ erectæ, ramosæ v. simplices.* Folia sæpè amplexicaulia, pinnatifida, nunc indivisa. Flores terminales corymbosi & paniculati, aurei v. cærulei.

*Obs.* Huc Prenanthes muralis *Linn.*

1. *L. dissecta*, foliis interruptè bipinnatisidis pilosiusculis: lobis rhombeis dentatis, petiolis amplexicaulibus basi sagittatis, paniculâ corymbosâ diffusa, pedunculis nudiusculis unifloris, caule piloso, pappo longè stipitato.

*Hab.* in Nepaliâ. *Wallich.* ①.

*Radix* fibrosa. *Caulis* erectus, ramosus, pedalis v. bipedalis.

*Flores* parvi, cærulei. *Achenia* punctata, apice bidentata.

### CREPIS. *Linn. Gen. 403. Juss. Gen. 169.*

1. *C. porrifolia*, foliis inferioribus lanceolatis mucronatis integrermis glabris glaucis; superioribus linearibus: basi denticulis setaceis utrinque ciliatâ, floribus divaricato-paniculatis, calyculo brevissimo: squamis ovatis acutis, caule erecto laevi.

*Hab.* in Nepaliâ. *Wallich.* ①.

*Herba* glauca, glaberrima, pedalis, supernè aphylla, divaricato-paniculata. *Flores* numerosi, magnitudine *C. pulchræ*, aurei.